

negationis s̄epius in Ecclesia recitata, quam divina visitatione compunctus, amarissimis lacrymis abo-
levit. Quod ideo illi evenire non dubium est, ut sci-
ret se confidentiam non habere in homine, sed in
eo de quo Psalmista dicebat : *Bonum est sperare in
Domino, quam sperare in principibus;* et ut in sua
discreti culpa qualiter postmodum in regimine po-
situs, aliis misereri debuisse. Paulus quoque apo-
stolus in membris Christi, Christi exstitit persecu-
tor : et qui quondam fuerat magister erroris, divina
voce correptus, factus est discipulus veritatis. Lot
igitur uxoris, cum incendia fugeret Sodomorum, versa
est in statuam salis, ad condimentum scilicet fide-
lium, quia punitio rei eruditio est justi. Sed et ar-
bore siquidem infructuosa plerumque stercora cir-
cumfusa prodesse noscuntur ; hoc homini videlicet
circa mandata Dei negligenter agenti commemoratio
peccatorum suorum ad æternam plerumque proficit
sanitatem : dum per hoc divina miseratione com-
panctus reviviscit, et producit ex se honorum ope-
run fructus, in odorem suavissimum Domino Deo.
Hæc namque ideo testimonia divinæ lectionis in hoc
libro, frater Modeste, notavi, ut non sit spes sibi
quisque, sed ponat in Deo spem suam ; et qui se
existimat stare, videat ne cadat : et qui lapsus per
superbiam cadit, divina lectione correptus studeat
cum Dei auxilio resurgere per humilitatem ; et ut
omnis peccator in Ecclesia constitutus, cum fide
recta per humilem confessionem veramque pœni-
tentiam a Deo veniam speret.

27. Cum autem, ut supra commemoravi, ædificium claustrum jam ex parte in altum crescendo profecisset, idem venerabilis Pater correptus morbo caput acriter infirmari. Qui, cum dehinc mortis suæ tempus cerneret imminere, rogabat se orationis gratia ducere in cæmeterium cuius supra fecimus mentionem. Postea namque accepto sarculo designavit locum sepulcri ipsius in orientali parte cæmeterii ; et ut valuit, pro infirmitate ipse primus terram percutiens fodit. Sarcophagum vero in locum

* Annum 822 signant Annales Fulenses his ver-
bis : « Eigil abbas Fulensis cœnobii defunctus Ra-
banum successorem accepit. » Dies hactenus ignora-
tus. In libro ii Traditionum Fulensem, pag. 527
et 528, legitur traditio quedam Eigili abbatii facta
« vi Non. Augusti, anno 9 regnante Ludovico impe-
ratore ; » et pag. 532 et 533 invenio donationem

A monumenti aptavit, in quo se post obitum ejus condere humili supplicatione poposcit. Inde igitur cum esset reductus in domum, dechdit desperatus in lectum, et cognovit quia moriturus est. Quod eum audissent fratres, venerunt visitare eum, atque pro exitu animæ illius preces fundere Deo; quibus conspectis, gratulabatur in adventu eorum, et in oratione ipsorum delectabatur anima ejus.

28. Interca namque rogabatur a fratribus quo prius de hoc mundo migrasset, quamvis occulta, confessione et digna pœnitentia purgaretur : ut si quem lœderet, veniam postularet ; vel si a quoquam Iesus fuisset, simpliciter remissionis indulgentiam daret. Commonitionem itaque fratrum libenter audiens, ait : Si quem, inquit, lœsi, humili suppli-
catione veniam rogo ; et si a quoquam Iesus suissem, dimittat illi dicitur [Leg. Deus]; et ego vera-
citer illi ex intimo corde dimitto. Cumque enim hæc verba jam moriturus explessisset, commendabat
se Deo et precibus fratrum suorum, atque in lectum corpore congregato spiritum exhalavit ^a. Quo viso
perterriti fratres et jam tunc in angustia positi,
Patris interitum suspirabant, scientes qualēm ha-
buerant Patrem, et nescientes qualēm accepturi
fuissent. Nemo enim, frater Modeste, cognoscere potest, nisi ille solus qui hoc experimento cognovit, qualis plerumque filii miseria est, quod eis legitimus Pater auferitur, et vitricus [Leg. vitricus] consequenter infertur : propria mater occumbit, et neverca succedit. Quod aperte manifestabant illæ

C duæ mulieres circa infantem vivum litigantes in judicio Salomonis regis Hierusalem. Fratres vero post hæc secundum consuetudinem Patrum tulerunt corpus chari senioris, et cantantes atque orantes in ecclesiam deferebant : et ibi oratione completa levaverunt corpus ejus, et sepelierunt in sepulcro quod ipse sibi paraverat vivens, fidem habens re-
surgendi in die adventus Domini nostri Jesu Christi,
cui gloria et potestas in æternum. Amen.

Rabano abbati factam « anno Dominicæ incarnationis 822, indict. 15, regni Ludovici anno 9, mense Octobri, die v Kal. Novembbris. » Ex quibus colligo Eigilis diem obitus incidisse in illud tempus quod effluxit a die vi Non. Augusti, quo prior traditio D eidem facta est, in v Kal. Novembbris, quo alia Rabano successori facta.

VITA METRICA

Auctore eodem CANDIDO monacho,

PRÆFATIO.

CANDIDUS fratri suo MODESTO.

Uuc carmen cecinit Candidus ecce
Fratri quippe suo sponte Modesto,
Lecti commemorans inclita facta

Patris hic, abitum [transitum] hincque venustum,
Quapropter rogitat hic quoque glebo [arator]
Promptosque et resides quosque legentes,
Formicæ ut tenuem farris acervum
Hujus non temere dente pero

Multum dilacerent. Sed magis orat
Submisso capite et pectore prono,
Ut frater socio hunc rite relegat.
Ursisque alitibusque abdicat atris.

Explicit praefatio Candidi ad Modestum, qui proprio nomine Bruun et Reccheo nuncupatur [Leg. nuncupantur].

INCIPIT VITA.

CANDIDUS AD MODESTUM.

Ex quo me Pater ille senex fastigia vitae
Egil Baugolfi, quondam labentibus annis
Communisque Patris olim memorabile nomen,
Litterulis mandare jubet; post jussa beati
Vota viri, moresque graves animumque virilem
Ex tunc non piguit, nec nunc meminisse piget me.
Hinc juvat, o frater, quo non præstantior alter,
Ilujus namque senis famosi culmina vitae,
Quæ juvenis jam, postque senex celeberrima vidi,
Rebus in eximiis quæque interdum auribus hausit,
Religiosorum ex dictis pia facta virorum,
In cumulum congesta tibi sacrare Modesto.

CAP. I. Dicitur puer Egil ad monasterium Fuldam.

Hic juvenis Norica quondam regione serena
Nobilis exoritur: illuc hæud multa moratus
Tempora, progenies patriis evectus ab oris
Dicitur in silvam fagi de nomine dictam
Buchoniam: undisonus serpens ubi labitur amnis.
Fulda, unde iste locus, ubi nunc ingentia cernis
Mœnia, prima olim nomen ab origine sumpsit.
Ventum est interea varia per compita longe
Ad sanctum lectumque locum templumque dicatum,
Martyr ubi pro laude Dei Bonifacius almus,
Qui pro lege Dei duro succumbere marty
Quondam non timuit, digno veneratur honore..

CAP. II. Præsentatur Styrme abbat, et desertur ad scholam.

Proditur hicce puer ventus, pro postibus astans.
Egil, forte viro qui tune ditione regebat
Cœnobium Fuldense humili sub mœnibus hujus.
Quem mox blandiloquo Styrmi cum murmure visum
Suscepit, lassisque suis complectitur ulnis,
Ac juveni consanguineo dat basia pastor.

Talibus auspiciis primævis miles ab annis
Christi cœpit: abhinc qui sit post exitus, atque
Qui sibi jam fuerit juvenili in pectore sensus,
Quæque viro succrescenti constantia mentis;
Si mihi vita comes fuerit, si spiritus intus
Corpus alet, lingua et solitum si munus habebit,
Progressusque dabit summa ac veneranda secundos
Majestas, eadem paucis superare camenis
Incipiam. Abbatis post hæc subductus ab æde
Ilic puer inberbis scholas desertur ad arcem,
Lex æterna Dei semper, qua munere Christi
Discitur a pueris, seniorumque ore docetur.

Nec mora continua cœpit elementa parare.
Utque apis esuriens primo cum tempore veris

* Ratgarius scilicet, quem monoceroti insiden-
tem appinxit Modestus hoc loco in primario Can-

A Enitens paribus volitat per gramina pennis,
Campigenosque sibi certat decerpere flores;
Altius inde volans, glaucas stridentibus alis
Nunc salices, nunc namque pirum platanumque ni-

[tentem

Floribus ore legit, tiliam fervore recenti hinc
Mellifluam satagit cæco sub condere tecto.

Haud secus hic juvenis librorum carmine primum
Corticibus veluti rasis quis pascitur acris,
Donec vi quoque non propria, sed munere Christi
Proficiens ætate simul sensuque sagaci,
Pasci promeruit umbrati nectaris haustu

CAP. III. Fit monachus et ordinatur presbyter.

Hinc etiam monachis jam tunc Fuldensis hærens

B Moribus atque habitu, vitae coelestis amore
Succensus, cum consilio fratrumque Patrisque
Jungitur, ac nitidis Christi succingitur armis.
Signifer intrepidus Christi tutamine fretus.
Fit comes interea Patris fidusque minister,
Prospere cuncta gerens: supplex oracula cuius
Sæpius una cum senibus spatiatur ad alta.
Sæpe etiam ante omnes multa exspectante caterva
Jussus jura dabat, iterumque infanda vetabat.
Ac magna ingenii quæque discreverat arte,
Tempore non alio, meritis et dogmate clarus.
Felix patre satus quondam, felicibus annis,
Egil hoc sortitus erat baptismate nomen.
Fungi promeruit ab Lullo presule sacro
Presbyter, infestis mundi direptus ab undis.

C CAP. IV. Catalogus abbatum monasterii supradicti.

Contigit interea senio morboque peresum
Styrmens, qui fuerat primus fundator et abbas
Cœnobii Fuldensis, ab hac quoque luce migrasse
Credimus, in lucem semper sine fine manentem.
Cujus post obitum concordi voce boantum
Baugolf eligitur larga, Germanica proles,
Rite Pater præcessoris porrectus ab ore.

CAP. V. Metaphoram inducit poeta.

Hoc nam cessante successit Monoceros *, qui
Forte gregem sibi commissum (res foeda refert).
Nescio qua fronte, stimulis agitabat ineptis:
Donec vi nimia pastum fontesque fluentes,
Dulcia namque loca et stabula alta coactus
Deserit, atque fuga regnis decessit avitis.

D Quid majora sequar? tomi dum pondus in istis,
Si quis ab ore velit peragrans haec cuncta referre,
Congeritur quodam instinctu grex omnis ab uno
Lanigero, circumspecte collectus in unum, et
Spem sibi direptam saltim viresque recepit,
Atque iterum insolitum repedavit concite pastum.

CAP. VI. Regia cura circa fratres Fuldenses.

Hinc quoque sublato silvestri Monocerote,
Improvisa cito surrexit regia cura
Ludwici, qui semper erat melioris amatör
Vite, qui monachos casto dilexit amore.
Quem Deus omnipotens sospem de sede paterna
didi exemplari, notans hoc symbolo impetriginem
hominis.

Collocat et [collocet in] regnum lucis sedemque bea- [tam.]

Misit ab occiduo hic monachos qui maxime nostros,
Quia et finitos fratres : hincque inde cubantes
Mores et studia et leges et dogmata patrum
Inculta incipere, et lapas renovare monerent.

Cap. VII. Legatio fratrum ad imperatorem directa.
Subdimur interea, duro custode remoto,
Scilicet extremis, usque dum frater Adalfrid,
Unus ab occiduis, nostris comitatus ad alta
Fratribus, eximii subiens oracula regis,
Frustrataque loco et diro spoliata magistro
Fuldae Patre pio, rursus vestirier orat.
Cui pia progenies contra sic ore locutus :

Vade age, consiliumque voca, fratresque saluta.
Et quemcunque velint juste riteque repertum
Expelito patrem, ex nobis concede labori.

Dixerat, et letum clara dimisit ab aula.
Ille ubi percepit regis responsa potentis,
Atque haec ipsa suo volvens sub pectori versat,
Hortatur socios creber, jubet esse paratos,
Cogit inire viam, et celerem per opaca locorum
Concite ferre gradum, per terras, gramina, limphas,
Per montes, vallesque simul, per densa ferarum
Lustra, lupus horrendum ululans ubi devius ore
Sanguineo, saepe insidias sub corde volutat.

Nec mora, cumque dies noctis superaverat um- [bras.,

Titanisque rubens orbi lux alta resulxit;
Statim cum sociis missus de rege remissus,
Ardua certatim pariter ad moenia tendit
Fuldae, parta quidem secum bona dona reportans.

Interea latos volitat pennata per agros,
Cœnobii Fuldensis ovans adlabitur aures
Fratum fama, boni, cursum rumoribus aptis,
Forte virum ostentat, absque discrimine sospem
Confectum, lævique monet nil mente vereri.

Hæc adhuc memorans lictor de rege venusto
Missus adit, nostrique simul cum principe fratres
Odilhoh, Reccheo et senior, jam functus; uterque
Presbyter et monachus, animo lætique minores
Jussi tecta petunt : neque enim post tempora multa
Fratribus accitis, regis ita nuntius orsus.

Cap. VIII. Responsio imperatoris fratribus aperitur.

Ludwicus rex pacificus Cæsarque serenus,
Vobis jam propria mandavit voce salutem,
Et quemcunque cupit vestra concordia concors
Rite patrem, justeque simul digneque repertum
Lesie luminibus vestro concessit amori.

Dixit, et introrsus oris spiramina sæpsit.

Nulla mora in medio supplex in rebus egenis
Fratum congeries responsa ante ora serentis
Corpoce collapso genibus procumbit humi, mox
Grates persolvens dignas hæc munera danti.

* Fuere ejus nominis Fuldenses monachi duo : unus Reccheo senior, de quo hic, qui *diaconus* Einhiltæ Milizensis abbatissæ litteras donationis pro monasterio Fuldensi scripsit anno 800, in lib. II Traditionum Fuldensium, pag. 511, et qui jam presbyter aliam scripsit anno 819, pag. 551; alter Reccheo

A CAP. IX. *Increpatio poetæ et exhortatio ejusdem.*

Quis tibi tum fraterna cohors in pectori sensus ?

In eo talia volventi quæ mente voluntas ?
Quasve tremens cieras concreto corpore voces ?
Nonne vias simplex fratrum se flectit in ambas
Discolor, atque subintravit discordia pone,
Turbataque ruit simpla concordia retro ?
Talia si subeas ultra, o sociabilis ordo,
Concilia, tenui liceat te voce monere.
Parce metu, solique Deo considerare disce.
Posce Deo placita, si scis; si poscere nescis,
Aut tibi si desit veri sapientia verbi,
Alma altaque fide regnante cernuus ora,
Qui bona cuncta dabit, et nulli probra rependit.

Cap. X. Datur licentia aspirandi super abbatis elecione, et consilium seniorum et abbatis electio.

Larga quidem super hoc concessa est copia fandi
Fratribus, inque vicem dehinc respirare potestas.
Fit subito fratrum passim, concursus in unum,
Longis porticibus claustræ confessio longa
Cernitur. Hinc vario varia sermone levata.
Concite prorupit in medium res dissona, circum
Fusa rotat, acuens variis rumoribus iras
Infausta genitrix sata discordia proles.
An loquar, an sileam? vulgi sententia fatur,
Quod quis flammigero valide contactus ab igne,
Ignem flammigero pavitanti mente veretur.

Hicce Patrem petit hunc, illum namque ille reposcit,
Quem pars una cupit, refugit pars altera: louge
Compellare senem juvenis, audetque virum vir
C Vocibus infestis duroque lacessere verbo.

Nec iam quis proprium furtum testatur amorem.
Curritur ad solita saltim solatia votis.
Omnibus in commune Deo prex alta refertur.
Supplicat obnoxie ostendi fraterna voluntas.
Dextera quid super hoc statuat manus Omnipotentis.
Perspicie nunc precor, o confidentissime frater,
Ipse Deus rex perspicui possessor olympi,
Fidis quam facile miserans in rebus egenis
Consulit omnipotens, discors et futilis amens
Ast heresis refugit, subito bipatentibus intrat
Læta quidem comitata fide concordia portis.

At vero interea quatitur densissime signum (*cum-pana*),

D Quo moniti fortasse animis non viribus æquis,
Ordine permixto fratres glomerantur in unum.
Exin more quidem solito fit lectio versus,
Inde sequens tandem extemplo prece rite peracta,
Erupit in vocem graviter pars ardua fratrum,
Ac salubri dehinc consilio, sic ore serebat.

Nos, o fida manus, vario turbante tumulto,
Sæpe sub adverso partim sudasse labore
Contigit. In commune tamen discrimina morbi
Mixtim nos tolerasse mali contingere adhuc :

junior, alio nomine Modestus, cui hæc *Vita* nun-
cupata. De Odilhoh nihil succurrit adnotandum,
nisi quod ejusdem fere nominis frater *Odilleo* no-
minatur in Alcuini epistola 64, ad *Fratres in ecclesia*
sanceti Liudgarii episcopi.

Celsi fulminea subito ni dextera Patris
Desuper adveniens nostri miseresceret ultro.
Sed quia nos voluit magni regnator Olympi
Hæc iterum loca percipere, non linquere; nosque
Rursus in antiquam nostræ conducere formam
Vitæ; nunc animæ, totis nunc viribus esto
Quisque suæ vitæque memor, presumite Patrem
Fratres qui valeat, supplex licet ore recuset:
Non hunc, qui cupit atque nequit, licet ore reposcat,
Moribus insignis pariter cum dogmate sacro ac
Mente pia, digne tantam præcedere turbam.

Hæc memorans circumspecte pars ardua Patrum
Extulerat, ea dein repetens quoque cætera prona
Contulit, inque vicem spissò sermone reformat.

Haud mora continuo concordi mente vetustus
Poscitur in Patrem Norica regione serena
Nobilis adveniens olim et parvissima proles
Eigil, tuncque gravis veterum scrutator avorum.
Quove reluctant, sedato pectore pauca:
Fraternum ante quidem nobiscum fœdus inisse
Te meminisse decet, socium miserere tuorum, et
Si quid habes virtutis, ait concordia fratrum,
Corporis atque animæ precibus neu subtrahe nostris.
CAP. XI. Excusatio ejusdem, et objectio fratrum, et consensus senis.

Tunc quoque longævus, commoto pectore contra,
Nonne vides quod hoc corpus effeta senectus
Deprimit, exagitatque caput, vestigia torquet?
Visus languescit, lacerat præcordia tussis,
Corporis ac totos quatit æger anhelitus artus?
Solus quapropter, fateor, subsistere tanta
Pondera non valeo. Senior sic ore repugnans
Dixerat, et luteos lacrymis perfudit ocellos.

Desine plura, Pater, inquit, et cede petenti huic
Cœnobio: non, oro, senem te cura refringat.
Hujus namque operis fratrum concordia tecum
Viribus infessis pariter sifferre laborem
Sponte subit, nec te solum sub fasce dolere
Sustinet. Hincce senis durum mollescere cœpit
Pectus; et hinc fratres dictis affatur amicis.

Non me velle fugam mihi met pro laude pacisci
Hujus profiteor operis; nec terruit hoc cor
Horridus iste labor: sed debilitata senectus
Terrebat, morbusque tumens, et pestifer hostis.
Nunc jam cedo equidem jussis, ac jussa facesso.
Tu tamen interea pariter, concordia fratrum,
Viribus infessis mecum partire laborem.

CAP. XII. Itur ad regem super abbatis confirmationem.

Hæc ubi dicta essent, verrat fraterna potestas
Fratres ac socios proprio de corpore lectos,
Qui cum Patre simul noviter seniore receptio
Regis ad eximli super hoc decreta currant.

His quoque compositis pergunt, comitatur Aaron
Primus ab his, misit solers quos regia cura
Ad nostrum commune bonum sub tempore, quo nos
Improbos atque minax demum furiabilibus ausis
Monoceros jam cessavit terrere fugaces.

Solibus hinc etiam nonnullis rite relectis,

A Venit ad occidua hæc eadem legatio rura,
Cæsaris antiqui supplices oracula poscens.
Tum namque oceiduus monachus et presbyter akti
Regis ad adspectum prior invitatus Aaron
Progrederitur, causasque vita fratresque venisse
Fuldenses, humili coram sermone patenter
Rege aperit, atque ante fores adstare reclusis
Quos cum pro foribus Cæsar præsensit, ut intrent
Dicitur. At senior fratrum stipante caterva
Intrans procidit ad genua, genibusque volutans
Una cum sociis, vultum regnantis honorat.
Nec mora continuo, dextra innuit ipse nitens,
Atque astare jubet: prior et sic incipit ipse.

O nati, fratresque mei, lectique parentes,
Spes patriæ, nostrique decus et gloria regni,

B Vos horrenda nimis ante discrimina pestis
Lethiferæ urgebant: saltum nunc eruta corda
Erigite, mœstumque metum secludite: vestra
Regula quod doceat, intento corde tenete.
Ipsa est porta atque arcta via, quæ ducit ad alta
Regna poli; contendite nunc intrare per illam!
Ut per eam modo currentes, veniatis ad illum
Qui vos de tenebris miserans et carcere cæco,
Non meritis, produxit in admirabile lumen.
Currite nunc, fratres, vitæ dum lumen habetis,
Neu tenebrae vos præripiant. Ante omnia pacem,
Veram pacem, inquam, sine qua nec munus ad altar
Proficit allatum, (neque enim possessio quemquam
Pauperibus profusa juvat, nec martyr ab alto
Judice dona tulit unquam) servate, monebo.

C Hæc dicens aliaque simul longo ordine multa,
Quem vobis optastis, ait, producite Patrem
Fratres. Canitie subito conspersus Eigil
Pergitur in medium, constanti mente vetustus.
Regis ad imperium proprius processerat ultra.
Progrediens, quem ut conspexit, rex arduus infit:
Istene pastor adest, quem omnis concordia fratrum
Concors provehit, atque probat uno ore canoro? at
Regis suppliciter pauca legatio fratrum,
Iste est, o bone rex, nunc inclinata recumbit
In te summa eadem: tantum decerne tenendum, o
Spes nostra nostræque decus et gloria vitæ.
CAP. XIII. Confirmatio regis et instructio ejusdem.

Ecce senex iste hic præsens, quem poscitis astat.
Hunc habetote Patrem, hunc fratres servate paren-

[tem.]

Tuque tuos addisce, Pater, servare minores
Omni cum studio, inque vicem pia fœdera solers
Jungere semper ama; retro de pace ruentes
Corripe, ne pereant, suavi reducique salubri
Ad pacem repedare doce. Discretus in omni
Re quoque causidicus sunto: quod condita norma
Communis doceat intento corde teneto.
Ecce ibi repperies fixum quid pastor ovilis
Prævius, atque tener quid dehinc post terga sequens
[grex]
Exsequitur operis, pariter qui pastus obesis
Lanigeris prosit teneris, qui congruat agnis.
Nec minus ordine composito scrutator avarus

Quæ ægris debilibus maneat, quæ cura fovendis.
Hanc Benedictus ovans sacro spiramine plenus
Legem constituit, monachorum rite magister,
Servandamque suis secum mandarat alumnis.
Hanc tibi nunc committo eisdem, tu percipe nor-
[mam.]

Atque in ea totum, o pastor, sub fœdere firmo
Cœnobium Fuldense, bona exhibe omnia circum
Quæque loca ipsius jam decernoque tuenda.
Hæc ait, et fratrum precibus rex inclitus almis
Expeditis, in pace simul dimisit abire.

Cap. XIV. Revertitur per Moguntiam Pater Egit.

Post hæc inde means, socium comitante caterva,
Iste Pater latius gressum direxit ad urbem,
Quondam opulentam opibus, opere constructa ve-
[tusto]

Apparet quæ namque super glacialis aquai
Ripam Rheni : in quem fluitans turgentibus undis
(Non [Forte, Nam] parte ex alia castrum qua cer-
[nitur ingens,

Haud procul a ponte ^a sursum, quem sospite regno
Olim rex Carolus fecit) prolabitur amnis
Mogoin, ex quo, ut fama sonat, Moguntia dicta est.

Haistolfo interea venit gratissimus hospes
Egit pontifici sacro Moguntiacensis
Ecclesiæ, condigno etiam susceptus honore.
Primum ducitur ad templum, precibusque peractis
Præsulis occurrit subito conspectibus, inque
Oscula pacis iens pronus, dignanter adorat.
Postquam consedere simul provectus uteque
Temporis ætate, pariterque in dogmate claro
Legis justitiae præsul, pastorque vetustus,
Adveniens prior urbis apex, sic incipit ore.

Nos, Pater, in primis laudemus Cunctipotentem,
Atque olli grates dignas dicamus ovantes,
Qui sibi nos proprio devotos munere verno
Una cum sociis sospes conduxit in unum.
Præterea te nosse decet quæ pondera quondam
Quamque importuna temet pressere, tuosque
Consocios, indiscreto regnante tyranno, et
Maxime nunc, quia te voluit regnator Olympi
Notis præficere vigili tutamine mandris :
Ne quandoque, Pater, subjectos more prioris
Exagitans, ex his forte indignatus aberres.
Non te decipiata falsa et fugitiva potestas
Sæculi pompiperi, nec te pomposa virago
Possideat. Iram cohibe ; fuge nomen avari ;
Omnia fac cum consilio : sic Idida quondam
Basileos Solimæ repetens, sic legifer ipse
Vester ait ; et post factum te poena reorum
Non cruciet, nec verba dehinc tibi dira manebunt.
Consule quosque tuos, pastor, pietate paterna ;
Consule quosque tuos fratres : quia sœpe minori
Optima quæque bona, rerum qui condita præsens
Inspicit Omnipotens, pandit, dignaque revelat.

^a De illo ponte ligneo quem Carolus Magnus su-
per Rhenum ædificari jussit, quique supremo illius
vitæ anno conflagravit, agunt Eginaldus et alii

A Sæpe quidem stropha mentem confundit inanem,
Hostis perversi retro feriente sagitta :
Aut ita subripiet, sensumque interpolat error
Humanum, quia nullus adest in carne manens vir,
Ut homo, qui nunquam non falli possit in ista,
Quamvis magnifice ingenio quis polleat alto,
Utque ille interdum, sophia quis acrior exstat,
Ingenio majorque manet, quid mente retunsa
Falsum concipiat ; contra et quid rectius atque
Verius ille minus sapiens meritique minoris
Cordis in hospitio interdum præsentiat : inde at
Nullus in hac vita positus, sit spes sibi, nec se
Consilii alterius tumide non dicat egere ;
Cujus judicium, etsi non zabolica fallit
Gannatura ^b, tamen laqueos hinc inde tumoris

B Non facile superat graviores. Hæc ita Patri
Commemorans, aliaque simul longo ordine præsul,
Statim jussit adesse viros, qui rite ministrent
Undam, qui Cererem, Bacchum, mensasque repo-
[nant.]

Ipse autem interea sacram spatiatur ad aram
Cum clericis alta acturus modulamina missæ.
Laudibus expletis Christi, venerandus honore
Præsul perspicuo patulam suscepit in aulam
Abbatem comitesque suos ; manibus data lympha
Funditur, et coram subito fit mensa reposta,
Vate atque hospitibus, epulis onerata venustis.
His ita confessis, successit lectio sacra,
Quam præsul solito tetigit summo tenus ore,
Interdum satians supera dulcedine cives.

C Hac namque explicita mussabant ora virorum
Dulcia colloquia : resonans pax undique circum-
Fusa volat, penitus fit lætus in aula
Urbis apex, pastorque senex, cunctique minores.
Amborum quoque tripudio versantur in alto.
Hinc Pater iste pius, fratrum gyranter corona,
Post epulas, post colloquia, post pocula leta
Submissæ capite saltim divortia lætus
Nota potens, a pontifice benedictus abibat.

Non multi fluxere dies, nec tempora multa
Præteriere, dehinc fratrum genialis acervus
Cum Pater unde ierat, iterum remearat eodem.
Ventus ^c namque senex famosi nominis Egit
Cum sociis digno primum collectus honore,
Fratribus a propriis altam desertur in ædem,

D Christi martyr ubi compta requiescit in arca,
Quondam cum sociis telo sopitus acuto.
Hinc, prece completa, monachorum conflua turba
In parte occidua templi seniore reviso
Statim prona ruit, Patrem de more salutat.
Qua resalutata, propius accedere contra
Namque jubet, pacemque iniens, atque oscula sigens
Congrua ; more Patrum pariter cum fratribus ipse
Davidicæ subito cecinit modulamina Musæ.
En quam dulce bonum, fratres, quamque ardua
[sempre]

cjus temporis annalistæ.

^b Vulpinus astus.

^c Id est, reniens.

Lætitia longe bilis rancore remoto,
Moribus in sanctis communem vivere vitam!
Hoc quoque carmine completo, divortia lassus
Abbas progrediens adiit optatus, euntem
Prosequitur turba mixtim, juvenesque senesque.
Inspiciunt gaudentque simul, ardenteque tuendo.
Illum namque diem Pater idem latus in omni
Lætitia cunctis secum disponit habendum;
Fratribus ostentans penitus præcordia lata
Corporis effigie, lingua, vultuque micare.

CAP. XV. *Insecta basilicæ opera peraguntur.*

Hic homo cœpit abhinc magno pietatis amore
Ecclesiæ mundare loca, pavimenta refundi
Constituit, quadrata locans altaria circum.
Fixerat in summo petris contexta politis
Arcubus idem Racholfo & dictante magistro
Et monacho, fratrumque simul sine felle ministro.
Cujus te meminisse rogo, cunctosque legentes,
Hoc opus ut Domini pietas requietis honorem
Ipsius animæ tribuat, lucemque perennem
Conferat. Ut dixi, hoc ipso dictante magistro,
Arcubus atque interpositis hinc inde columnis
Binas magnifice erexit pulchro ordine cryptas.
Quarum prima quidem spectans intendit Eoum.
Ternis luminibus Oriens, ubi lucis ab axe
Signifero pluvia tempestateque sonora
Disjecta primum radios sol aureus orbi
Terrigeno spargit; unam quæ continet aram
Interius comptam, sanctorum rite patronum
Reliquiis, quos inferius subnectere mens est.
Nec minus hoc speleum capitis in vertice gestat
Altare, sanctus quod jam sub tempore prisco
Consecrat ipse suo Bonifacius Omnipotenti,
Quæ super addita sunt, alii sacra Relinquens.

Ast aliud quoque nobiliter, ubi martyr adest nunc
In parte occidua constructum cernitur antrum
Multum dives ope, interius spoliisque piorum,
Ternis prospiciens fixis post terga fenestris.
Obscuratus hinc atque hinc clausisque duobus
Solis ad occasum, qua Phœbus more recepto
Mergitur in solitum vergens lux aurea callem,
Lustrandoque rotat iterum tollendus in ortum.
Hoc summo in capite, duris præ viribus aram
Fortiter insistens pedibus nam sustinet, in qua
Christi martyris eximii nunc membra locata
Cum sociis quoque sacra manent sine fine beatis.

CAP. XVI. *Invitatur pontifex ad dedicandam eccliam.*

His ita constructis, mox invitatur ab omni
Fratrum consilio digne fratrumpque parente
Haistolfi sacrandam metropolitanus ad ædem.
Interea quoque fama volans, rumoribus altis
Excitat ad laudem Christi multorum Christicolarum
Concita corda pia, veniendumque: ecce repente
Non mora digreditur propria de sede sacerdos,
Primum progrediens metropolitanus, et exin
Turba sacerdotum, abbatum, comitumque potentium,

* An idem Racofus cancellarius, qui litteras donationis a Waltoне quodam Fuldensibus factæ scri-

A Ordinis atque etiam gaudens hincinde minoris
Ad tam magnificum et sanctum sub tempore festum,
Disposito, cum vi multa confluxit in unum

CANDIDUS AD MODESTUM.

Perspicere nunc, frater, quo non præstantior alter,
Mentis luminibus, mecumque hæc numina firma.

CAP. XVII. *Dedicatur ecclesia, et translatur corpus martyris Christi Bonifacii.*

Venerat alma dies radio illustrata corusco.

Solis perpetui præsul processit ad aulam

Sacrandam; tunc reliquias tolluntur in altum

Condenda interius. Præcesserat ordine claro

Pontificalis apex, rubra vexilla triumphi

Regis magnifici pariter tolluntur in auram;

B Luminibus roseis apte stipata deinde

Turba sacerdotum, monachum, comitumque poten-

[tum,

Ordinis atque etiam clamans post terga minoris
Consequitur, Christumque vocans ter voce tonan-

[tem.

Invitatur enim Christus virtute potenti,

Ipsaque sancta Dei genitrix virgoque Maria.

Compellantur in auxilium cœlestia votis

Agmina, sanctorumque dehinc exercitus omnis.

Cumque etiam his precibus ternos expleverat orbes

Præsul, et ipsa sequens pariter keto agmine turba

Protinus ante oculos plebis, ora que virorum

Regi virtutum, regis præcone jubente,

Victoriique Deo patuerunt limina templi.

C Ingreditur præsul divino nomine ductus,

Presbyterique simul intrant aræque ministri,

More suo interius acturi jussa potentis.

Importantur enim latus vallata choreis

Sanctorum spolia. Exterius nam cetera turba

Insistens precibus, altis exclusa respectat,

Donec cuncta bonus famulis altaria præsul

Consecrat altithroni regis præsentibus absque

Quinis, quæ mibimet iterum memoranda relinquo.

Protinus interea rursus, lictore jubente,

Panditur alta atque alma Dei domus omnipotentis.

Irruit agmen ovans plebis, subito quoque semet

Inque vicem valvasque intro pressere ruendo.

Dextram namque tenet dextra, inducitque virum vir,

More laicorum porgentes basia buccis.

D Hinc sopito etiam et turbis clamore remoto,

Ecclesiasticus hinc atque inde collectus in unum

Martyris ad tumbam extemplo convertitur ordo,

Quæ tunc noscitur in medio consistere templo.

Plebs quoque testis adest præsens, fit testis et ipso

Conditor omnipotens, qui majestate perenni

Semper ubique manet, ejusque exercitus omnis,

Quod eadem ipsa hora adventus tunc numinis alti

Qua rapitur Christi martyr de sede priore,

Perspicue in sacra multis innotuit aula.

Præsul interea insistit veneranda vetustas

Haistolfi precibus, Christi solamina poscens,

psit anno 33 regni Caroli Magni, in lib. II Traditionum, pag. 516.

Ut opus incœptum divino munere sacrum
Cum sociis sacro possit concludere fine.
At post hæc proprius Christi tutamine fretus
Idem presul iens, tolli venerabile corpus
Instruxit : levat ipse prior, hunc voce valenter
Hymnum magnifico laudis nidore refertum
Gignentis, Genitique simul, ac Spiritus almi.
Te ergo Deum laudamus, te Dominumque fate-
[mur,
Te genitorem perpetuum terra veneratur.
Cuncta tibi angelicus astans mirabilis ordo,
Namque poli cunctæque potestates venerandæ,
Cherubin quoque Seraphin pariterque verenter
Jure tibi soli incessanti voce reclamant :
Sanctus, sanctus, sanctus enim Dominus Deus unus
Sabaoth : coeli magna tellusque replentur
Dona [Leg., Doxa] perpetue majestatis : quoque
[temet
Coetus apostolicus pollens, atque inclytus ordo,
Teque prophetarum numerus laudabilis, æque
Te nitidus testum laudat exercitus ardens.
Ecclesia te sacra canit diffusa per orbem,
Majestatis enim Patrem immensa venerandum,
Atque tuum proprio verum de pectore Natum,
Sauctum nam Paracletum æquali numine flatum.
Tu doxæ rex ac lucis, lux ardua Christus.
Tu genitoris es æternus sine tempore natus.
Tu hominem suscepisti mundum ad liberandum,
Virginis atque uterum non horruit alta potestas.
Bevicto mortis stimulo tu victor ubique
Fidis, nam miserans reserasti regna polorum.
Tu Patris in dextra regnas virtute perenni,
Desuper adveniens certus namque arbiter orbis.
Te petimus proni, proprios defende colonos,
Mundi quos proprio redemisti sanguine Soter.
Salvum fac populum hostis de fauce reductum.
Atque tuam dignare, Deus, benedicere sortem.
Auxilioque tuo rege sublimato per ævum, et
Omni quippe die temet benedicimus alte.
Laudamusque tuum cuncta per saecula nomen.
Hacce die nos, Christè potens, dignare tueri ;
Neu nos commaculent spurcas contagia vite.
O nostri miserere, Deus, nostri miserere,
Sitque tua circa nosmet miseratione larga,
Corde quidem fixo veluti confidimus in te.
In te, summe Deus, spero, non turber in ævum.
Hunc hymnum subito trepidus suscepit ab ore
Pontificis forte simul ecclesiasticus ordo,
Altithrono cantans alto modulamine laudem.
Nam feretrum loculi, sacra quo martyris almi
Membra inclusa jacent, in prima fonte gerentes
Ambo graves, amboque senes, Haistolfus et Eigel :
Scilicet a tergo pariter monachusque sacerdos
Ercanberctus Baugolfi germanus, et abbas
Theotgarius : Bruunwarque ^a, simul Rabanus et ipse
Presbyter et monachus, multorum jure magister.

^a Forsan Brunwardus chorepiscopus, ad quem exstat Rabani poema 12. Browerus putat ipsummet fuisse abbatem Hersfeldensem, Lamberto memoria-

A Ibant æquati numero, Christumque canebant.
Cumque quibus adiusta pars hinc atque inde piorum /
Presbyterum, turbaque premens cum lumine circum,
Vi multa loculum gaudet contingere dextra.
Regia quippe via pannis cendentibus apte,
Regis perpetui magnum quæ ducit ad altar,
Strata fuit illuc idem, quos ipse sacerdos
Ercanberctus ovans Christi devotus amore
Martyris exhibuit, ostro peplumque rigentem
Insper accumulans auxit per seque, suosque.
His ita perceptis gressum porrexit ad aram
Pontificalis apex, magno comitatus honore,
In parte occidua Romano more peractam.
Elevat interea populari voce repente
Advena plebs Kyrie eleison ; fit clamor ad astra.
B Christicolis ardent penitus fervore recenti
Numinis infusi. Verum, mirabile dictu,
Tu scis non solito laudis vox omnibus æqua
Efficitur, lacrymas profundunt gaudia mentis :
Lætitiae lacrymæ, et cantus miscentur in unum.
Hinc aliud cecinit simili moderamine carmen
Sors Domini, magna laudis dulcedine plenum
Gignentis Genitique simul ac Spiritus almi
In celsis Domino gloria magno
Voti siisque boni terrigenis pax :
Laudamus quoque te, et sanctificamus
Propter magnificum et decus altum.
Hæc tam quippe diu celsæ jubilatio vocis
Personuit, donec saxoso membra sepulcro
Includunt, clausaque dehinc pausanda relinquunt :
C Hoc namque occidua martyrum tumulatus honore,
Altithroni regis compta jacet altus in ara,
Absida quam super exstructa namque imminet ingens :
Quanque egomet, quondam hac Christi nutritus in
[aula,
Presbyter et monachus Bruun vilisque magister,
Depinxi ingenio tenui, parvaque Minerva
Formans expressi varios ferrugine vultus.
CAP. XVIII. *Supplicatio pictoris et poetæ.*
Cujus quemque rogo meminisse legentem
Hoc opus, orando Dominum pietatis amore
Ut scelerum veniam fidens mereatur ab illo,
Qui non vult quemquam peccati morte perire :
Sed magis ut rediens vivat virtutibus almis.
D His quoque patratim summae celebratio missæ
Laudibus intonuit dignis : qua rite peracta
Lassi cum sociis, multa crepitante caterva,
Haistolf atque Eigel ducti sub tecta recurrent
Moenibus en altis presul convivia latus
Pastor et ipse simul : utrorumque inde minorea
Mox adeunt, Patris celeres tum forte ministri
Dona ferunt Cereris multo sudore canistris.
Quæsita ast alii vario nidore respersas
Instant ferre dapes ; alii namque inclyta vitro
Ordine composito miscebant pocula Bacchi.
tum ad annum 846 Theotgarius cuius loci abbas
fuerit, Fritislariæ an cenobii sancti Albani, mihi
non liquet.

Nec minus intererat epulis simul alma paternis
Lectio : namque cibus fortis solidusque virorum,
Intentos satians superi pinguedine verbi.

CAP. XIX. *De crastina dedicatione et reliqua.*

Crastina cumque dies fuscas dimoverat alas
Noctis, et umbrifera nebula concederat arvis,
Evolat hospitio solis jam luce reiecta,
Cui sociis jussus Humberct chorepiscopus antra ad
Ecclesiae sacranda duo, quæ luce reliquit
Hesterna præsul. Primum quod spectat Eoum,
Pontificis vice, rigido conspectus in ostro,
Aggreditur speleum saltim : quo nempe sacro
Uno cum titulo, simili mox ordine sacrat
Solis ad occasum spectans, quod respicit antrum.
Excipiuntur enim infecta hinc altaria bina.
Unum qua Martyr media testudine templi
Ante fuit, aliud qua Styrmii corpore quiescit
Ac digna Liobgid pausans Bonifacio [Forte, Bonifacia]
[neptis,

Sola jacet busto mulierum sorte sepulta.

Quæ rediens uno Jacobi simul atque Philippi

Cum titulo præsul venturo dedicat anno.

Ut liceat dictis summam comprehendere paucis,
Hanc aulam Haistolf præsul Moguntia censis
Ecclesiae Christi primævis miles ab annis,
Cum magno studio ac magno pietatis amore,
Insper et magno sanctorum sacrat honore,
Ordine predicto complebs promissa petenti.

CAP. XX. *Commemoratio Rabani magistri et operis ejus.*

Hujus nempe diem numerumque ac tempus et
[annum,

Officia pariter, sanctorum et nomina partim,
Quem supra teligi, Rabanus jure magister
Versibus obtitulat, partim sermone reexit.
Panso equidem cuius nunc hic ordine dicta
Florigera huic operi dignum insigendu putavi :
Quatenus in libro hoc memori narranda relatu
Illæsa intactaque simul serventur in ævum.

Hæc tibi, frater mi coram solemnia præsens
Ut vidi, ut sensi, ut super hæc addiscere quivi,
Versibus exposui : jam nunc hic limite facto,
Quæ superaddita sunt, alii scribenda relinquo ^a.

CAP. XXI. *De ædificatione basilicæ rotundæ, et designatione ejusdem structuræ.*

Hæc ubi facta at sunt, instat prudenter ubique
Sedulus addiscens communis gaudia vite
Eigil, subjectis sacro connexus amore,
Fratrum consilio, parvam qua corpora fratrum
Hinc defuncta jacent devote namque rotundam
Condidit ecclesiam, latitans qua pervia crypta
Sub tellure latet, una quæ rite columnæ
Incipit, ac supra octonis subrecta columnis,
Præpulchre in summo lapide concluditur uno.
Hoc opus hoc etenim divino munere docti
Pastor, et ipse simul infantum doctor honestus
Cum sociis jacint alto sinuamine mentis,

^a Rabani versus et prosam hac de re habes in lib. II Antiquitatum Fuldensium, cap. 5.

A Nescio quid magni singentes arte secunda,
Quod tamen ipse reor, salva menteque siveque,
Istius Ecclesiae et Christi præferre figuram.

Templum quippe Dei sanctum est, quod Paulus
[aperte

Christicolas esse Christi vas personat ipse.

Cujus tectorum princeps et conditor astat

Arbiter ipse Deus, fundamentumque, columna

Inconcussa manens semper virtute perenni.

Qua sive merito nunc hic plebs advena Christo

Subrigitur, templumque Deo congescit ^b in alumin

Quod vero in summo lapide concluditur uno,

Edocet ipse monens, intenta mente rogandum

Egregius doctor, ut qui virtute potenti in

Nobis coepit opus placitum, dignetur in altum

B Persicere Jesu, donec manifesta micando,
Ac famosa dies Christi procedat in orbem.

Octonæ interius stantes hincque inde columnæ,

Totque beatitudinibus aptantur, ut apte

Quique quater bina hæc completes dicta Tonantis,

In hac æde Dei fulcra mereantur haberi.

Circulus ecclesiae qui nullo fine rotundus

Claudiatur, interius complectens commoda vitæ,

Spem quoque vitæ perpetuæ regnumque perenne, ac

Præmia mansura post hanc signare videtur,

Vitam quis justi merito vittantur in ævum.

CAP. XXII. *De ejusdem ecclesiae dedicatione, quam cæmeterium vocant, etc.*

Hoc igitur templum Domino quod condidit almo
Impiger ille senex, metropolitanus ab urbe

C Digrediens Haistolf, Turingea rura petendo,
Tempore disposito cum ternis dedicat aris.
Cujus et ipse simul infantum doctor optimus,
Quem sæpe posui, digne, docteque, pieque
Officii numerum, tempus, annumque diemque
Cum sanctum reliquis varia complectitur arte.

CAP. XXIII. *De claustru structura, et infirmitate abbatis.*

Ast opus ecce novum senio depressus acerbo
Exorsus, tandem subito fit mentio claustru.
Consilium subeunt quidam, dant more prioris
Constitui. Ast alii depromunt more Romano
Solis ad occasum satius, ubi martyr optimus
Pone jacet. Huic consilio cessere priores,
Atque huic suppliciter consensit cætera pubes.

D Quidnam plura loquar ? Statim mensura laboris
Tenditur, effossoque solo fundamina ponunt.
Fervet opus, animosque simul viresque ministrat.
Cunctis par cura, atque operis concepta voluntas.
Quod tamen infectum post se compleverat alter.

Protinus interea magni discriminè morbi
Corripitur, cessisque cito violentia lassis
Artibus. Increpuit mussans concordia fratrum
Cum gemitu Patris inviso perterrita morbo.
Et tamen ille sibi collectis viribus ipse
Corporis hospitium tenui virtute dehiscens,
Primus namque aperit, propriis manibusque reclusit

^b Id est, coalescit.

CAP. XXIV. De obitu et sepultura, et epitaphio ipsius. A Insomnis, sonsque capit; nec habent disserimina finem.
Hinc magis atque magis servet, mortemque mi-

[natur]

Effera vis morbi, tandemque urgente dolore
Ductus ad extrema est, sisticque in limine lethum.
Quem circum glomerati omnes, hinc cominus atque

[hinc]

Namque senes juvenesque astant: prex alma refertur
In commune Deo chari pro flamme Patris.

Tum fratrum precibus saltim commenditus ^a, ac sic
In lectum moriens lassos protenderat artus,
Undantemque animam superas proflabat ad auras.

Hoc obitu concussi animo, altusque per omnes
It gemitus, queritantur hic genitoris amissa
Gaudia. Sed hujus gerere quod [quid] namque

[potes vir,

Cum sua cuique dies atque irreparabile tempus
Certum jure manet. Solita sic lege priorum
Hic obiit, aliisque loca haec tutanda reliquit.

Erin more Patrum fratres mox quippe cadaver
Exanimum templi orantes sub tecta ferebant.

Inde interque manus sibinet, quem fecerat ipse,
Poscentes requiem, tumuli sub domate condunt.

Cujus epitaphium celebri cum dogmate jam tunc
Versibus expressit noster Rabanus ovando
Et Pater et pastor, meritis et dogmate celsus.

Commemoratio chari Patris et pastoris.

Cernis quam nihil est, cernis, mi frater amate,
Sæculi fluctivagi vana et peritura potestas.
En jacet obiectus tumulo, quem plurima quondam
Turba senum juvenumque simul stipata tegebant.
Sed licet ad præsens caret affectibus istis,
In fratrum precibus semper lætatur honestis.
Haec nam conditio misera, diraque sub aura
Condita fama [Forte, fata] manent cunctis mortalibus

[ægris.

Hanc legem jure primi meroere parentes,
Unius ob culpam hanc reges proceresque potentes,
Dives, inops; dominus, servus; contractus, egenus;

^a Barbare pro *commendatus*, eum ad modum quo
Alcuinus utitur voce *commendite* pro *commendate* in

Lethifera haec rapidus usque dum fortis et ardens
Ultimus ille dies nebulæ clangoris et iræ
In commune rapit totum sub tartara mundum.

At Pater hic genitale solum, patriamque parentes
Infans postposuit, Buchonica rura petivit.

Justitiae gradibus paulatim providus, hicce

In hac æde locum divino munere celsum

Promeruit; nulli veterum pietate secundus.

Hunc ita nutritab geminis discretio mammis

Mater virtutum, summo sit gratia Christo,

Ut nec sponte suos unquam terrore videntes

Præciperen, nec ab his unquam conterritus iret.

Auribus admitti sprevit prudentia Patris

Frivola vaniloquum: nec huic insomnis et alra

B Suspicio, incertos torquet quæ maxime quosque,

Prævaluit. Sed nec facile commotus in ira,

Dira et flammivoma mentis incendia prompsit.

Hic acies geminas flectens divertit et aufert,

Hostis pestiferi prorsus neu vana viderent.

Poenituit alte, si quem conspexit inertem

Vela dare, nimiumque fugam, teturque timorem

Ipse sui blando sœpe compescuit ore.

Hinc etiam sopita fuit hincque inde maligna

Infausta genitrice sata discordia proles.

Nec poterat exhinc fratrum concordia rumpi.

Hujus strenuitas Fuldensis cœnobii res

Non tulit in partes rapere, nec torva potentum

Lumina, nec procerum tumidos horrebat honores.

Noxia quoque vetans, vetuit sed maxime fures,

C Insequitur pansaque mala, constanter agendo.

Cacopragmones ^b hic rite procul expulit a se.

Hic decus, hic nostræ sautor et gloria vitæ

Exstitit, hic operis nostri nostrique laboris

In hac æde Dei salubri cum dogmate Noe.

Hujus te meminisse, rogo, cunctosque legentes,

Hoc opus, ut Domini magna et miseratio larga

Hunc in perpetua requie conservet in ævum.

epigrammatibus 124, 164, 267.

^b Id est, maleficos.

APPENDIX

In qua refertur Eigilis epitaphium duplex, et libellus supplex a monachis Fuldensibus Carolo Magno porrectus.

1. Hoc doca referre juvat Eigilis abbatis epita-
phium duplex, unum a Rabano, alterum ab ipso
Eigile compositum. Candidus utrumque exscripsit,
et Rabanicum quidem cum hoc titulo:

Epitaphium EIGILI abbatii ab Rabano dictatum.

Ingrediens, lector, perparvi domatis antrum,
Cerne legens titulum, noscere fata viri.

Abbas iste fuit famosi nominis Eigel,

Qui jacet in tumulo, sed super astra manet

Hoc quoque cœnobium rexit feliciter ipse,

Multaque facta bona rite peregit ovans.

D Martyris ergo sacra cum præsule transtulit ossa,
Ac binas pariter has dicat ecclesiastis.
Post hec alta petit, animamque ad sidera misit,
Corporis infirmi membra locavit et hic.
Huic quoque Rabanus, vialis successor, amando
Conscripti hunc titulum. Christus utrosque juvet.
Alterum condidit Eigil ipse ad modum epitaphii
Damasi papæ, quod itidem retulit Candidus, prout
sequitur.

Versus quos ipse abbas Eigil dictaverat sibi.

Abbas hic Eigil tumulatus sorte quiesco,